

რა გააკეთა რუსეთმა

კავკასიისთვის

რომანოვთა მეფობის დროს.



რომანოვთა
გვარეულობის
300 წლის
მეფობის
იუბილე.



გამოცემა მისი ი. უ. მოადგილის კანცელარიისა.



მისი იმპერატორებითი უმაღლესობა

რა გააკეთა რუსეთმა კავკასიისთვის რო- მანოვთა მეფობის დროს.

1913 წლის 21 თებერვალს სამასი წელიწადი სრულდება იმ დღიდან, როდესაც საუკეთესო რუსებმა თავი მოიყარეს მოსკოვში და მეფედ მიხაილ ფეოდორისძე **რომანოვი** ამოირჩიეს. ამ დღიდან სამასი წლის განმავლობაში რუსეთს განუწყვეტლივ ჰფლობდნენ რომანოვთა გვარის მეფენი. სამი საუკუნეა რაც რომანოვთა გვარეულობა ჩვენი სამშობლოს გასაბედნიერებლად მუშაობს, სამი საუკუნეა, რაც ჩვენი სამშობლოს დღეგრძელობისთვის იღწვის იგი, სამი საუკუნეა, რაც მას რუსეთი კეთილ დღეობისა და ბუმბერაზობისკენ მიჰყავს. სამასი წელიწადი მოკლე ვადა არ არის და ამიტომ ჩვენი სამშობლოს ყოველმა ერთგულმა შვილმა, განურჩევლად ეროვნებისა და სარწმუნოებისა, მხურვალე მონაწილეობა უნდა მიიღოს ამ დიდ დღესასწაულში. მაგრამ რას ნიშნავს სიტყვა დღესასწაული? დღესასწაულობს ის, ვინც მიანებებს თავს თავის ყოველდღიურს შრომას და ჭირ ვარამს და მიეცემა სიხარულსა და მხიარულობას, ვინც ამ დღეს მოიგონებს იმ ყველასათვის ცხად ამბებს, რომელიც მადლობისა და პატივის ცემის გრძნობას გაულვიძებენ ადამიანს გულში. განა შეგვიძლიან ჩვენ, კავკასიის შვილთ, არ შეუერთოთ ჩვენი ხმა სრულიად რუსეთის ხმას, როდესაც იგი რომანოვთა გვარეულობის გამეფების დღეს დღესასწაულობს? განა შეგვიძლიან ჩვენ არ შეუერთდეთ მათ, როდესაც ყოველი ჩვენგანი თავის თავს რუსეთის ნამდვილ შვილად ჰგრძნობს, როდესაც ყოველი ჩვენგანი მადლობის მეტს რომანოვთა მიმართ არაფერსა ჰგრძნობს? ეს გრძნობანი და პატივისცემა ნება უნებურად გამომდინარეობენ იმის მოგონებით თუ რა გააკეთეს კავკასიელთათვის ამ სამასის წლის განმავლობაში რუსეთმა და მისმა მირონცხებულმა მეფეებმა.

ხუთასი წლის წინათ, როდესაც სათათრეთმა ევროპაში ფეხი მოიკიდა და კავკასიასაც შეებრძოლა რათა საქართველოც დაეპყრო, ქართველებმა პირველად მიმართეს ერთმორწმუნე რუსეთს, მაგრამ რუსეთს მაშინ არ შეძლო შემწეობა

აღმოეჩინა: მაშინ ის თითონ სუსტი იყო, რადგან დიდი ხანი არიყო, რაც თითონ განთავისუფლდა თათრებისაგან, რომელნიც 250 წლ. განმავლობაში ავიწროებდნენ და სისხლსა სწოვდნენ მას. პირველი დახმარება კავკასიას რუსეთის მეფემ იოანე IV აღმოეჩინა, როდესაც მან საკუთარი ჯარი გაგზავნა კაბარდოელთა დასახმარებლად, რომელთაც

ყირიმის თათრები ავიწროებდნენ. მდინარე თერგის ჩასართავთან რუსებმა ციხე ააგეს, სახელად ტერგი, რომელიც სპარსეთისგან იფარავდა მათ. სპარსელნი იმ ჟამად დაღესტნისა და კასპიის ზღვის ნაპირების ბატონებად ითვლებოდნენ. თევთორე იოანეს ძის დროს ქაროველთა მეფის ალექსანდრე II თხოვნით დაღესტანში თარგოელი შამხალის წინააღმდეგ ჯარი იყო გაგზავნილი, რომელმაც დაამარცხა იგი და საქართველო დაუძინებელ მტრისაგან იხსნა. მეჩვიდმეტე საუკუნის დასაწყისში კავკასიისა და რუსეთის დაახლოვება იქამდის მივიდა, რომ რუსების მეფის ბორისის ასული ელენე ქართლის მეფის გიორგის საცოლეთ იყო აღიარებული.

ამ დროიდან იწყება სპარსელთა შემოსევა კახეთში, ისეთი საზარელი შემოსევა, რომლის მოგონებაც კი თმებს ყალყზედ უყენებს ადამიანს; მაგალითად, კახეთის დედოფალი ქეთევანი სპარსეთის შახმა ტყვედ წაიყვანა და რაკი საკუთარი რჯულის უარისყოფა არ ინდომა, საშინლად აწამეს იგი: სხეულს გავარვარებულ რკინით ჰგლეჯდენ და დაწყლულებულ ადგილებზედ ნაღვერდალს აწყობდნენ. საქართველოს თავისუფლება მისმა მეფემ მუსულმანობის მიღებით იყიდა. საქართველომ მაშინაც მიმართა რუსეთს, სადაც იმ ჟამად რომანოვთა გვარეულობის პირველი მეფე თევდორე მიხეილის ძე მეფობდა, მაგრამ თვით რუსეთი შინაური უთანხმოების და პოლონელთაგან იმდენად იყო შერყეული, რომ რაიმე შეღავათის მოლოდინი მეტის მეტი იყო მისაგან. რუსეთს თითონა სდიოდა სისხლი და არც ჯარი, არც ფული მას არ გააჩნდა. მას თითონ საკუთარი საქმეები ჰქონდა მოსაწყობი. როგორც სჩანს სპარსეთსაც ეშინოდა რუსეთის, ვაი თუ სიმხეცის ჩადენისათვის მოსკოვის მეფემ შური იძიოსო და საჩუქრებით თავისი წარმომადგენელნი აფრინა რუსეთში. მიუხედავად ამისა სპარსელნი მას შემდეგაც არა ერთხელ დაეცნენ საქართველოს და საქართველოს მეფეთ რამდენჯერმე მოუხდათ რუსთა მეფის ხლება. ასე მიდიოდა საქმე მეთვრამეტე

– 3 –

მეტე საუკუნის დასაწყისამდე, როდესაც რუსეთის იმპერატორმა პეტრე დიდმა ზავი დასდო მეფე ვახტანგთან, გაილაშქრა სპარსეთის წინააღმდეგ და კასპიის ნაპირებზედ უარი ათქმევინა. 1723 წელს რუსეთის ხელში გადავიდნენ დერბენტი, ბაქო, ასტრახადი, მაზანდერანი და გილიანი, ერთი სიტყვით, ის ადგილები, რომელზედაც სათათრეთსაც დიდი ხანი ეჭირა თვალი.

მეთვრამეტე საუკუნის ნახევარში ქართლი და კახეთი შეერთდნენ მძლავრი ირაკლის ხელში. ირაკლის დროს განათლებასა და ეკონომიურ მხარეს დიდი ყურადღება მიექცა. ამასთანავე საქართველო მხედრობითაც მძლავრი შეიქნა იმ ჟამად. იმ დროს იმერეთის მეფემ სოლომონმა თათრები და ლეკები შეაფერხა და ნება არ მისცა მათ იმერეთი აეოხრებინათ, თუმცა ქუთაისი მტრის ხელში იყო. რომ სამუდამოდ

განედევნა სათათრეთი თავის სამეფოდან, მეფე სოლომონმა რუსეთის იმპერატრიცა ეკატერინე მეორეს მიმართა შემწეობისათვის, მით უმეტეს, რომ თვით ეკატერინე II ემზადებოდა სათათრეთთან საბრძოლველად. სოლომონი სთხოვდა თვის ქვეშევრდომთა სადღეგრძელოთ შეეერთებინა იმერეთი რუსეთისათვის. გადასწყვიტეს ერთად ეომნად სათათრეთთან. ამ საერთო საქმეში ირაკლიც მოიწვიეს.

1771 წ. მეფე ირაკლი II რუსეთში მხლებლები გაგზავნა. მათ შორის მეფის შვილი ლეონი და კათალიკოსი ანტონი იყვნენ. მეფე ირაკლი II სთხოვდა ერთმორწმუნე რუსეთს საქართველო შეეერთებინა. მხლებლები დიდის სიამოვნებით მიიღეს, მაგრამ საქართველოს შეერთება კი დროებით გადასდეს. ამავე დროს ჩრთილოეთ კავკასიაში რუსეთი ციხე სიმაგრეებს აგებდა, რათა მთიულთ შემოსევისაგან დაეფარა რუსეთი. მთიული თათრები შესანიშნავ მხედართ-მთავარმა სუვოროვმა დაამარცხა და მას შემდეგ ყირიმში გადაასახლეს იგინი. მათმა გადასახლებამ და ციხე სიმაგრეების აგებამ ჩრდილოეთ კავკასიაში, ძალიან შეაშფოთა მუსულმანთა ქვეყნები და რუსეთს რომ ვერა დააკლეს რა, საქართველოს დაუწყეს შურის ძიება, მით უმეტეს, რომ საქართველოს არა ერთხელ მიუმართნია რუსეთისათვის შველისა და დახმარების თხოვნით. ამ დროს მეფე ირაკლი მეორემ ხელმეორედ აღძრა თვისი შუამდგომლობა საქართველოს შეერთების შესახებ შემდეგი პირობებით: რუსეთი იღებს თვის მფარველო-

– 4 –

ბის ქვეშ კახეთისა და ქართლის სამეფოთ და იცავს მათ თათართა და სპარსთა შემოსევისაგან, მეფე ირაკლისა და მის ჩამონავლობას სტოვებს საქართველოს ტახტზედ; მეფე ირაკლი კი სიტყვას აძლევს, რომ არც თვითონ და არც მისი ჩამომავლების მეფენი რუსეთის მტერთან ზავს არ ჩამოაგდებდენ და პირიქით, მოვალეთა რაცხს თავის თავს, თუ საჭირო იქნება, შემწეობა აღმოუჩინოს რუსეთს. ეს ხელშეკრულობა დიდის ზეიმით იქმნა დადებული ტფილისში 1784 წლის 22 იანვარს. ხელშეკრულობას მეფე ირაკლიმ სიონში წირვის გადახდის შემდეგ ხელი მოაწერა რუსეთის იმპერატრიცის წარმომადგენლების თანადასწრებით. ცხადია, რომ ეს ხელშეკრულობა მუსულმანთა სამეფოთ არ უნდა მოსწონებოდათ და აკი იმიტომ რუსეთთან მეტოქეობას კი ერიდებოდნენ, მაგრამ მთიულ მუსულმანთ კი აქეზებდნენ საქართველოზედ. საჭირო იყო ლეკების დასჯა და რუსის ჯარი, იმ ჟამად თფილისში ჩამოსული ირაკლის მხედრობას შეუერთდა და მდინარე ალაზნის ნაპირებზედ დაამარცხა იგინი. სათათრეთი თავისას მაინც არ იშლიდა და რაკი იქ ვერაფერს გახდა, მეორე მხრიდან სცადა ბედი: მან განჯის ხანს ჩააგონა ჩამოშორებოდა საქართველოს და დაღესტნის ლეკები კი კვლავ გააგულიანა, რომ შესეოდნენ საქართველოს. ეს შემოსევა ისეთი ძრიერი გამოდგა, რომ რუსის ჯარი, რომელიც იმ ჟამად საქართველოში იყო დაბანაკებული საკმა-

რისი ვერ გამოდგა რომ მტერი ეძლია. მალე რუსეთსა და სათათრეს შორის ომი დაიწყო. ამ ომში კავკასიის მხედრობაც იღებდა მონაწილეობას; კავკასიაზედ სათათრეთმა დაჰკარგა ქ. ანაპა, რომელიც კვლავ დაუბრუნდა სათათრეთს იმ პირობით, რომ მას საქართველოსთვის თავი დაენებებინა. ამ ომის შემდეგ ჩრდილოეთ კავკასიის მინდვრები შავი ზღვის ყაზახებს დაუთმეს და ქალაქი ეკატერინოდარი ააგეს. რამდენიმე ხნით თათრებმა საქართველოზე ხელი აიღეს. მაგრამ არ ეძინა მის მეორე მტერს — სპარსეთს. იგი სხვა და სხვა დაპირებებით თვალს უხვევდა საქართველოს და სცდილობდა რუსეთისთვის აეშორებინა იგი, მაგრამ როცა დაინახეს, რომ თვის განზრახვას ვერ განახორციელებდნენ, საქართველოში შემოსევისთვის მზადებას შეუდგნენ.

რუსეთის ჯარმა ვერ მოასწო საქართველოში მოსვლა და ქ. თფილისი აოხრებულ იქმნა მათ მიერ: მიწასთან გაასწორეს მრავალი შენობანი და მრავალი ცეცხლს მისცეს;

– 5 –

რაც კი რამ ებადათ მცოვრებლებს, ყველაფერი გაიტაცეს და მრავალი ქართველი გასწვიტეს. რუსეთმა, რომელსაც პირობა ჰქონდა მიცემული, რომ საქართველოს დაიფარავდა მტრისაგან, ეს შემოსევა ომის გამოცხადებით ჩასთვალა და თავისი ჯარით სპარსეთის შახისაკენ გაემართა: კვლავ წაერთვა სპარსეთს იმის წინ დაბრუნებული კასპის ზღვის პირად მდებარე სახანოები და განჯის ხანმა კვლავ გადასცა თავისი სატახტო ქალაქი მეფე ირაკლი მეორეს.

იმპერატრიცა ეკატერინე II სიკვდილის შემდეგ, იმპერატორმა პავლე I ზავი დასდო სპარსეთთან და წართმეული ადგილები კვლავ დაუბრუნა მას. სპარსეთმა ისარგებლა ამ შემთხვევით და კვლავ დაუწყო საქართველოს წიოკობა. 1799 წ. რუსის ჯარი კვლავ მოვიდა თბილისში და მცხოვრებლებმა თავისუფლად ამოისუნთქეს, მით უმეტეს, რომ იმ ჟამად ლეკები კახეთს ესეოდნენ და საჭირო იყო მათი შეფერხება. ქართველთა და რუსთა მხედრობამ იორის ნაპირებზედ ზარი დასცა მთიულებს და მათი ბელადიც დაილუპა ამ შეტაკების დროს. მალე მეფე გიორგი XII-ც გადაიცვალა და საქართველო, საგანგებო მანიფესტით, 1881 წ. იმპერატორი ალექსანდრე I დროს, სრულიად შეუერთდა რუსეთს. ეს შეერთება მცხოვრებთა სურვილისამებრ მოხდა, რომლებსაც საგანგებოდ გამოგზავნილი პირნი შეეკითხნენ. ამ დღიდან რუსეთი და საქართველო ერთის ცხოვრებით ცხოვრობენ და ერთის ინტერესებით იქმნენ გამსჭვალულნი. 1803 წ. ზაქათალის ლეკები დაუმორჩილდნენ რუსეთს და შეუერთდნენ რუსეთს იმერეთი, სამეგრელო და გურია. დაპყრობილ იყვნენ განჯისა, ყარაბახისა, შეტისა, კუბის და ბაქოს სახანოები და რუსეთის ქვეშევრდომობა მიიღეს ჩრდილოეთ კავკასიის კაბარდოელებმა.

1813 წ. სპარსეთთან ხელშეკრულობის ძალით სამუდამოთ

გადავიდა რუსეთის ხელში კასპის ზღვის პირად მდებარე ადგილები. თორმეტი წლის შემდეგ, იმპერატორ ნიკოლოზ I დროს, სპარსეთი კვლავ შეუდგა ომისათვის მზადებას და დიდის ჯარით ქ. შუშას ალყა შემოარტყა, მაგრამ შუშის დამცველნი მედგრად დახვდნენ მტერს. მალე ომი განჯასთანაც დაიწყო, იმ განჯასთან, რომელსაც იმპერატრიცა ელისაბედ ალექსის ასულის პატივსაცემლად ელისავეტპოლი ეწოდა. ეს ომი იმდენად მარჯვე გამოდგა რუსეთისათვის, რომ სპარსელნი

– 6 –

არაქსს გასცილდნენ და თავს უშველეს. ჩვენი მხედრობა, რომელიც რუსებისა, ქართველებისა და თათრებისაგან შესდგებოდა კვალ და კვალ დაედევნა მათ და საშინლად დაამარცხა, წაართვა ერევანი, არდებილი, თავრიზი და თურქმანჩაიში ხელი მოაწერინა ხელშეკრულობაზედ, რომლის ძალითაც რუსეთს ორი ახალი სახანო შეუერთდა: ერევნისა და ნახჩიევნისა. ცხადია, რასაკვირველია, რომ ამ ხელშეკრულობაზედ ხელის მოწერა სამძიმო იყო სპარსელთათვის და აკი იმიტომაც ჩვენი ელჩი თეგერანში, შესანიშნავი მწერალი გრიბოედოვი, მოჰკლეს. მისი გვამი მალე ქ. თბილისში მოასვენეს და ამ ჟამად წმ. მამადავიდის მთაზედ ასაფლავია. ამისთანა გამარჯვება სპარსეთზედ გულს უკლავდა სათათრეთს და მალე მათანაც მოუხდა რუსეთს შეტაკება. ეს უკანასკნელი ევროპას და კავკასიაში სწარმოებდა და ჩინებულად დასრულდა რუსეთისათვის. კვლავ აიღეს რუსებმა ანაპა, ახალქალაქი, ახალციხე, ერზრუმი... თათრები იძულებული იქმნენ ელშეკრულობა დაედოთ რუსეთთან, რომლის ძალით შავი ზღვის პირად მდებარე ადგილები ანაპიდან დაწყობილი წმ. ნიკოლოზის ნავთსადგურამდე რუსეთის ხელში გადავიდა.

მას შემდეგ რაც მთელი კავკასია გაერთიანებული იქნა და მისი საზღვრები იმდენად გამაგრდა, რომ მეზობელი მტერი საშიში აღარ იყო, იმავე იმპერატორ ნიკოლოზ პავლეს ძის დროს მთიულთა დამშვიდებას შეუდგა რუსეთი. მთიულნი, უმეტესად ჩეჩნები და დაღესტნელნი ერთმორწმუნე თათრებს და სპარსელებს თანაუგრძნობდნენ და როგორაც ვერ ეგუებოდნენ ახალ წყობილებას კავკასიაში. ამის წყალობით მათ შორის დიდი გასავალი ჰქონდა იმამთა ქადაგებას, რომელნიც ყველა მაჰმადიანთ ქრისტიანების წინააღმდეგ საომრად იწვევდნენ. მთიულნი გაუნათლებელნი იყვნენ და მათი ქრისტიანთა წინააღმდეგ ამხედრება ძნელი არ იყო. მათი სიმამაცე კი ხელს უშლიდა რუსეთს, რომ რაც შეიძლება ჩქარა მიეყო მას ხელი სამოქალაქო ცხოვრების მოწყობისთვის. მათ ბელადათ მთიული შამილი გამოდგა, რომელიც ოცნებობდა მთელი კავკასიის მთიულეები შეერთებინა თავის ხელქვეით. მთიულთა დიდს უპირატესობათ იყო ის რომ მათ თავისი სამშობლოს ყოველი კუთხე და ხრამი ჩინებულად იცოდნენ, რუსებს კი ყოველი ნაბიჯი მთებში ძვირად უჯდებოდათ.

ამის გარდა სათათრეთთან ომში ზოგიერთი მარცხი რუსის ჯარისა, უფრო აგულიანებდა მთიულებს. დიდი ხანი გაგრძელდა ეს ომი, რომლის დროს რუსეთს მიხტულის, ავარის, კიურონის და კაზიკუმუხის ხანები უჭერდნენ მხარსა. ყოველ მხრიდან შევიწროებული შამილი გუნიბის აულს შეეკედლა. მალე გუნიბიც დამარცხდა. შამილმა იმპერატორს ალექსანდრე II ნიკოლოზის ძეს შეჰფიცა ერთგულებაში და ამასთან ერთად მთლად ამლოსავლეთი კავკასია დაპყრობილ იქმნა რუსის ჯარის მიერ. კავკასიის დასავლეთი ნაწილის დამშვიდებასაც დიდი ხანი არ დასჭირდა: თითქმის ხუთასი ათასი მთიული, რომელთაც არ მოისურვეს რუსეთის ქვეშევრდგომობის მიღება სათათრეში გადასახლდა; მათი ერთი ნაწილი მდინარე კუბანის ნაპირებზედ დასახლდა. კავკასიის ომი, რომელიც თითქმის ორმოცდა ათი წელიწადი გაგრძელდა, დასრულდა.

უკანასკნელად რუსეთმა კავკასიაში შეიძინა ბათუმისა და ყარსის ოლქები, რომელნიც რუს-სათათრეთის ომის შემდეგ (1877-1878 წელს) შეიერთა რუსეთმა.

ამით რუსეთმა მრავალ ფეროვანი კავკასიის გაერთიანება მოახერხა. ამ ომებსა და ჯაფაში რუსეთთან ერთად დიდი მონაწილეობა მიიღეს კავკასიის მცხოვრებლებმა, განურჩევლად ეროვნებისა და სარწმუნოებისა. მათ შორის დიდათ ისახელეს თავი შემდეგმა გმირებმა: თავადმა ციციანოვმა, ბაგრატიონმა, ამილახვარმა, თავადმა ბებუთოვმა, თავ. არგუტინსკი-მხარ გებელმა, ტერგუკასოვმა, ლორის მელიქოვმა, ლაზარევი, შელკოვნიკოვმა, ალდატიეკოვმა, შაჰშიევ აბდულ მუსლიმ-ხან შამხალ თარგოელმა და მრავალმა სხვამ. ამის და მოუხედავათ კავკასიაში არ არის არც ერთი ისეთი კუთხე, ისეთი ნაჭერი მიწისა რომელიც რუსის სისხლით არ იყოს მორწყული და რომელიმე რუსს თავისი სიცოცხლე მსხვერპლად არ შეეწიროს მისთვის. აი რა ფასით იყიდა რუსეთმა კავკასიის მცხოვრებთა მშვიდობიანობა და მათი მშვიდობიანი შრომა.

მაგრამ მარტო ომით არ იკვებება ქვეყნის კეთილდღეობა: ეს კეთილ-დღეობა ხალხის მშვიდობიანი განვითარებისაგან არის დამოკიდებული. ამასაც მიაქცია რუსეთმა თავისი ყურადღება.

რუსეთის განმანათლებელი მოღვაწეობა კავკასიაში მჭიდროთ

არის დაკავშირებული ორი დიდი კაცის სახელთან: თავადი ვორონცომისა, რომლის ძეგლიც ტბილისის შუა გულს არის აღმართული და დიდი მთავარ მიხეილ ნიკოლოზისა. იმათ ჩინებულად ესმოდათ, რომ კავკასია, რომელიც რუსეთს შეუერთდა სსაჭიროებდა განათლებას და იმიტომ მიაქციეს დიდი ყურად-

დღეა ხალხის განათლებას. მათი დაწყებით რუსეთის მთავრობა არც უწინ, და არც ეხლა ზოგავს თავის სარჩოს კავკასიის ახალგაზდობის განათლებისთვის. საქმე იმითი დააწო, რომ კავკასიაში დაბადებულთათვის სტიპენდიები დაარსდა რუსეთის სასწავლებლებში, მერმე თვით კავკასიაში დაარსდა რამდენიმე ქალთა და ვაჟთა სასწავლებელი და მას შემდეგ ხომ მთელ კავკასიას მოეფინა სახალხო და სამოქალაქო სასწავლებლები, გიმნაზიები, პროგიმნაზიები, სასულიერო სასწავლებლები, სემინარიები, სამეურნეო, სატექნიკო, სამხედრო და სხ. სასწავლებლები. კავკასიის განათლების საქმეში ბევრს მიაღწია რუსეთმა, თუმცა იაფად არ დაუჯდა მას ეს.

სამხედრო, კერძო, სომხების სამრევლო და მუსულმანების სასწავლებლები რომ არ მივიღოთ მხედველობაში, ამ ჟამად კავკასიას 3500 სასწავლებელი აქვს, რომლის შენახვა რუსეთის ხაზინას თორმეტ მილიონ მანათხედ მეტი უჯდება წელიწადში. ამას რომ მიუმატოთ რუსების დახმარებით დაარსებული განმანათლებელი დაწესებულებანი, მაგალ., მუზეუმები, საზოგადოებანი, რომელთ კავკასიის ბუნებისა თუ სიძველების შესწავლა აქვს მიზნათ დასახული, წიგნთ საცავნი, სამკითხველოები, თეატრები და სხ. მაშინ ცხადი იქნება რა ზომები მიიღო რუსეთმა, რომ კავკასიაც ჩაება მას რუსეთის მოქალაქეობრივ ცხოვრებაში. ამ ჟამად ხალხის განათლებაში, სპეციალურ ცოდნათა გავრცელებაში, სამხატვრო სასწავლებლების, მუზეუმების, სამკითხველოების და სხ. დაწესებულებათა შენახვაში თვით ხალხიც იღებს მონაწილეობას. განათლების გავრცელების აუცილებლობა იმდენად ცხადი გახდა თვით ადგილობრივ მკვიდრთათვის, რომ დიდის სიამოვნებით ხარჯავენ დიდ თანხებს თვისი შვილების გასანათლებლად და არა თუ დახმარებას უწევენ მთავრობას, თავის საკუთარი სურვილითაც იწყებენ განმანათლებელ საქმეებს. ამ უკანასკნელ წლების განმავლობაში კავკასიის მკვიდრმა მცხოვრებლებმა შეიგნეს უმაღლესი სასწავლებლის საჭიროება და იმდენი თანხან გადასდეს მის დასაარსებლად, რომ ამ ჟამად ძვირ-

ფასი პოლიტეხნიკური ინსტიტუტის დაარსება კავკასიაში უზრუნველ-ყოფილად უნდა ჩაითვალოს. მკვიდრ მცოვრებთა ამისთანა გულმოდგინეობა ღირსი გახდა იმისა, რომ ი მ კ ე რ ა - ტ ო რ მ ა ნ ი კ ო ლ ო ო ზ II კეთილ ინება და მთავრობას ნება დართო კავკასიაში უმაღლესი სასწავლებელი გაესხნა.

რუსეთის მთავრობა ავრცელებს რა თავის საკუთარ გავლენას კავკასიაში, რუსული ენის შესწავლასთან ერთად ასწავლის მკვიდრ მცხოვრებთა ახალთაობას საკუთარ, სამშობლო ენას და თავის წარსულს, განურჩევლად ეროვნებისა. ჩვენი მთავრობა მოსწავლეთა ერთ მეათედს ანთავისუფლებს სწავლის ხარჯისაგან, აარსებს სტიპენდიებს და ხელს უწყობს იმ დაწესებულებათ, რომელთაც ახალთაობის სწავლაში დახმარება მიზნათ აქვთ გახდილი.

როგორც სწავლა-აღზრდაში კავკასიის შკოლებში ერთა შორის გარჩევა არ არის, აგრეთვე სარწმუნოების კითხვებში რუსის მთავრობა არ არჩევს ერთი სარწმუნოების ხალხს მეორესაგან და დიდის პატივით ეპყრობა ყოველ სარწმუნოებას კავკასიაში. აქ ნება უნებურად გვაგონდება ის ცრუ დაპირებანი, რომლითაც სპარსეთი უმანსპინდლებოდა საქართველოს, ოღონდ მას ისლამი მიედო და წინააღმდეგ შემთხვევაში, როცა კი საქართველო სათათრეთისა ან სპარსეთის ხელში ჩავარდებოდა რა ტანჯვასა და წამებას აყენებდნენ ქართველებს, თუ ისლამის მიღებაზედ უარს განაცხადებდნენ. კავკასიის მცხოვრებთ არ შეუძლიანთ არ დააფასონ ეს სარწმუნოებრივი თავისუფლება, როდესაც მთელი კავკასია მაჰმადიანთ მიერ დანგრეულ და აოხრებულ ქრისტიანთ ეკლესია მონასტრებით არის სავსე, მაშინ როდესაც მაჰმადიანნი თავისუფლად აგებენ საკუთარ მეჩეთებს.

ამ სარწმუნოებრივ თავისუფლებასთან ერთად, რომლის წყალობით ყოველ კავკასიელს შეუძლია საკუთარ ენაზედ ადიდოს თავისი ღმერთი, რუსეთმა და მხოლოდ მან მისცა კავკასიას ნება მშვიდობიანი შრომით თავისი სამშობლო წასწიოს წინ კულტურულის გზით. რუსეთთან შეერთებამდის კავკასია თითქმის მუდმივი შეჯახებისა და ომის ასპარეზათ იყო გადაქცეული. მთელი თავისი ძალ-ღონე კავკასიელს საკუთარი კერის დაცვისთვის უნდა შეეღია და რასაკვირველია, მას შეძლება არა ჰქონდა მშვიდობიან შრომისათვის მოეკიდა ხელი. ამ ჟამად კი ხალხის შრომის ყოველი

– 10 –

დარგი განვითარდა და ამასთან ერთად ბევრმა ახალმა დარგმაც იჩინა თავი, იმისთანა დარგმა, რომელნიც ახალი კულტურული და ეკონომიური ცხოვრებით არის გამოწვეული. რუსეთს ამ შემთხვევაში მარტო მშვიდობიანი შრომის დაცვაში კი არ მიუძღვის ღვაწლი, მან ბევრი რამეც შეასწავლა ადგილობრივ მცხოვრებლებს. ავილოთ, მაგ. ხვნა თესვის საქმე, გილობრივ მცხოვრებლებს. ავილოთ, მაგ. ხვნა თესვის საქმე, რომელსაც ამ ჟამად კავკასიის ჩრდილოეთი და აღმოსავლეთი ნაწილი მისდევს: შუა რუსეთიდან ჩამოტანილი სამეურნეო იარაღი ადგილობრივ მცხოვრებლებს შეძლებას აძლევს უკეთ მოაწყოს თავისი საქმე და შედარებით უწინდელზედ მეტი მოგება იქონიოს. მარტო ყუბანის ოლქი საშუალოთ 12-15 მილიონ კოდს ხორბალს იძლევა, რომლის წყალობით არა თუ თვითონ იკვებება, კავკასიონის ქედს იქით, რუსეთში და საზღვარ გარეთაც კი გააქვს.

მელვინეობაში ხომ რუსების გავლენით ადგილობრივმა მცხოვრებლებმა დიდი ნაბიჯი წასდგეს წინ: ჩამოიტანეს ახალი ვაზი, გაჩნდა მრავალი წამლეულობა ვაზის ავთამყოფობის წინააღმდეგ, შემოიღეს ახალი მანქანები ყურძნის დაწურვისათვის და სხ, ყველა ამის წყალობით კავკასია წელიწადში ათ მილიონ ვედრა ღვინოს იძლევა. თანდათანობით

გაჩნდა ქარხნები არყისა და კონიაკის გამოსახდელად და ამ ჟამად ამ გვარი ქარხანა თითქმის 3500 კავკასიაში. ჩრდილოეთ კავკასიაში წარსული საუკუნის სამოც და ათიან წლებში ჩაყარეს ვაზი და ამ ჟამად თითქმის 600 დესეტინა მიწა აქვს მშვენიერ ვენახებს დაკავებული. მეღვინეობისა და მევენახეობის საქმეში დიდი სამსახური მიუძღვის საუფლისწულო მამულების მმართველობას, იმ მმართველობას, რომელსაც ძალიან დიდი კავშირი აქვს იმპერატორთა გვარეულობასთან. აბრეშუმის მოყვანა, რომელიც ჩვენმა წინაპრებმაც იცოდნენ, სულ ამ უკანასკნელ დროს განვითარდა იმის წყალობით, რომ იმართება სააბრეშუმეულობის გამოფენები და ამ დარგს ასწავლიან სააბრეშუმეო და სხ. სასწავლებლებში. ამ ჟამად თითქმის 400 სასწავლებელში ასწავლიან მეურნეობის ამ დარგს და ას ოც ქარხანაში ამუშავებენ აბრეშუმს.

ბამბეულობასაც მისდევდნენ ჩვენი წინაპრები. კავკასიაში ეს დარგი ინდოეთიდან გადმოვიდა, მაგრამ ამის წყალობით, რომ კავკასია მუდმივ ომებს ეწეოდა, მშვენიერი მიწის მოსარწყავი არხები დაინგრა და ოდესღაც ნოციერი მინდვრები გა-

- 11 -

მოიფიტა. ამის წყალობით ეს დარგიც ძალიან დაქვეითდა. მართო ამ ოცი წლის წინათ ხელახლათ გაიღვიძა ხალხში ამ დარგისაკენ ლტოლვილებამ იმის წყალობის რომ შეუდგნენ მინდვრების მორწყვას და ამერიკიდან თესლეულობის გამოწერას. ამ ჟამად მეურნეობის ამ დარგს დიდი გასავალი აქვს მოპოვებული, მთავრობა კი დიდს დახმარებას უწევს ხალხს მინდვრების მორწყვითა და ამ დარგის კარგს დონეზედ დაყენებით.

საქონლის მოშენებას ძველის ძველად მისდევდა კავკასიის მთა. მაგრამ საჭირო იყო ისე მოგვარებულიყო საქმე, რომ ნახირის პატრონი ერთ მშვენიერ დღეს ცარიელზედ არ დარჩენილიყო, თუ ვინცობაა საქონლის ჭირი ან რაიმე სხ. ავთმყოფობა გაჩნდებოდა მთაში. ამ მიზნით რუსეთის მთავრობამ შემოიღო საბეითლო მმართველობა, რომელიც წელიწადში 1.200 ათასი მანათი უჯდება მას. ამ დაწესებულებას ჰყავს მუდმივი ბეითლები ყოველ საგუბერნიო და სამაზრო ქალაქებში, რომელთა მოვალეობას საქონლის მართო წამლობა კი არ შეადგენს, არამედ ისინი მოვალენი არიან ეცადნენ, რომ რაიმე სენი ერთი სოფლიდან მეორეში არ გადავიდეს და ამ რიგათ არ გავრცელდეს. გახსნილია მრავალი ლაბორატორიები, რომლებშიაც სხ. და სხ. სენის მიზეზებს იკვლევენ, ამზადებენ წამლეულობას, და სხ.

საქონლის მოვლა მოშენებასთან მჭიდრო კავშირი აქვს ყველის და ერბოს გაკეთებას, საქონლის ტყავის დამუშავებას, მატყლის ვაჭრობას და სხ. ამიტომ მთავრობის დახმარებამ საქონლის მოვლა მოშენებაში დიდი შეღავათი მისცა ხალხს ყველა ამ დარგშიც.

სხვა და სხვა მადნეულობის დამუშავებაც იცოდნენ

უწინ კავკასიელებმა, მაგრამ არასოდეს მეურნეობის ამ დარგს არ მიუღწევია იმ ზომამდის, რომელსაც ამ ჟამად მიაღწია მან. დღეს 28 მადანში წელიწადში 20 მილიონ ფუთ თითბერს ამუშავებენ. ნურაფერს ვიტყვით სხვა მადანებზედ, მაგ., ტყვიისა, ვერცხლისა, რკინისა, მარგანეცისა და სხ. ეს უკანასკნელი ფოთსა და ბათუმზე წელიწადში 40 მილ. ფუთი გააქვთ. ქვის ნახშირი წელიწადში 4 მილ. ფუთი გააქვთ კავკასიიდან. ქვისნახშირის დამუშავება ხომ სულ ახალი საქმეა კავკასიაში. ნავთი, როგორცა სჩანს, უწინდელ კავკასიელს ნანახი ჰქონდათ, მაგრამ არ იცოდნენ როგორ უნდა

– 12 –

მოეხმარათ. ამ ჟამად კი იმის წყალობით, რომ შემოღებულია მრავალი ახალი მანქანა, ნავთის წარმოებას დიდი ზომები აქვს მიღებული კავკასიაში და წელიწადში თითქმის 50 მილიონ ფუთ ნავთს ამუშავებენ კავკასიაში.

სხ. და სხ. ხელობანი, რომელნიც უწინაც იყვნენ გავრცელებულნი კავკასიაში, დღეს მთავრობის დახმარებით ძალიან განვითარდნენ და ბევრ იმათ ნამუშევარს დიდი გასავალი აქვს რუსეთსა და საზღვარ გარეთაც კი. ვინაიდან ამ ხელობებს სოფლის ხალხი თავისუფალ დროს მისდევს, ის ხელს არ უშლის სოფლის მეურნეობის განვითარებას და გარდა ამისა საწყალ გლეხს შეძლებას აძლევს ერთი ნაწილი მაინც თავის მოწაგებისა შავი დღისთვის გადასდოს. ამ მხრივ ამ ხელობებს მეტად დიდი მნიშვნელობა აქვს. ახლა საქარხნო, და საფაბრიკო წარმოებას რომ მიუბრუნდეთ, აქაც არ შეგვიძლია არა ვსთვათ, რომ ეს დარგი წარმოებისა თითქმის სრულიად უცნობი ხილი იყო კავკასიისთვის და სუყველაფერი რაც ამ მხრივ საჭირო იყო მისთვის სპარსეთიდან და სათათრეთიდან გამოქონდათ, თუმცა ამ ორ ქვეყანას ეხლაც არა აქვს წარმოების ეს დარგი განვითარებული. ამით შეგვიძლიან ვიხელმძღვანელოთ, თუ მათ ნაწარმოებთა დაფასებას შეუდგებით.

რუსეთის მთავრობა დიდი სიამოვნებებით ეგებებოდა კავკასიის ხალხთა სურვილებს და იაფ კრედიტს უხსნიდა მათ. ამ რიგათ რუსეთის მთავრობის სურვილით არსდება კავკასიაში ბანკები, იაფი კრედიტის საზოგადოებანი და სხ. საიდანაც სულ მცირე პროცენტით ხალხს შუძლიან ისესხოს ფული, ამ ჟამად იაფი კრედიტის შეძენაში თვით საზოგადოება დიდს უნარს იჩენს. უწინ ფულის სესხი მევახშესაგან შეიძლებოდა, რაც თითქმის ბატონყმობას ბადებდა სოფლად. ამ შემთხვევაშიც რუსის მთავრობას დიდი სამსახური მიუძღვის ადგილობრივ მცხოვრებისადმი: მან განავითარა მეურნეობა, გამრავლა წვრილი მესაკუთრენი და ადგილობრივ მცხოვრებთ პატიოსანი შრომის შეძლებას აძლევს.

სხ. და სხ. სანოვაგის და სიმდიდრის დამუშავება იმ ზომამდის მივიდა კავკასიაში, რომ ზედ მეტი საქონლის კავკასიიდან გატანა შესაძლებელი შეიქმნა. გაფართოვდა ვაჭრო-

ბა თვით კავკასიაშიც და სხვა ქვეყნებთანაც. ამ უკანასკნელმა გარემოებამ გამოიწვია გზების საჭიროება. რუსეთის მთავრო-

– 13 –

ბამაც არც ამ შემთხვევაში მოიყრუა ყური და ამ საჭიროებასაც მილიონების დახარჯვით გასცა პასუხი. გაიყვანა გზატკეცილები და რკინის გზები რომელთა გაყვანა ადგილობრივ მცხოვრებ-თათვის შეუძლებელი იქნებოდა. ვაჭრობა და სხ. და სხ. წარ-მოებაზედ ნაკლები მნიშვნელობა არა ჰქონდა გემებით მიმო-სვლას კასპისა და შავს ზღვაზედ და ამიტომ რუსის მთავრო-ბა ამ შემთხვევაშიც არაფერსა სზოგავდა. იმის შემდეგ როცა მთელი მხარე მან შეაერთა და მჭიდროთ დააკავშირა გზების გაყვანით და ვაჭრობა მრეწველობის განვითარებით ეს საქმე ტელეგრაფისა და ტელეფონის ქსელებით დააგვირგვინა. ყველა ამან არა თუ გააუმჯობესა კავკასიის კეთილ დღეობა ათასსა და ათი ათასს ადგილობრივ მცხოვრებს სამუშაოს შოვნა გაუ-ადვილა.

გადავიდეთ ახლა სხვა კითხვაზე, ვნახოთ როგორა მარ-თავდა რუსეთი კავკასიას.

უწინ კავკასიის მმართველობაში ერთგვარობა არ იყო: ყოველი სახანო და სამეფო თავისებურად მართავდა თავის საქმეებს. ახლა კი ყველა მცხოვრები, განურჩევლად ეროვნებისა სახელმწიფოს ერთ ძალას ემორჩილება, რომლის წარმომადგენელიც მის იმპერატორებითი დიდებულების მოა-დგილეთა. თუმცა კავკასიის საქმეები ისე არ იმართება, რო-გორც იმპერიის სხვა ნაწილებში, მაგრამ ეს გამონაკლისი კავკასიის საკეთილდღეოთ არის შემოღებული. რუსის კანონი არ არჩევს რუსს კავკასიელისაგან და ყველა მათ თანასწორი უფლებები აქვთ, გარდა კარანოგაციებისა, კოლმიკებისა, რომელთაც სხვა უფლებები იქვთ მინიჭებული. ამ თანასწორო-ბამ გამოიწვია უკანასკნელ დროს ის გარემოება, რომ ადგი-ლობრივ მცხოვრებლებს მიენიჭათ უფლება სახელმწიფო სა-თათბიროში და საბჭოში საკუთარი წარმომადგენელი იყო-ლიონ. ეს უკანასკნელნი ახალ კანონების დამუშავებაში დიდ მონაწილეობას იღებენ და ადგილობრივ საჭიროებათა შესა-ხებ თათბირი შეუძლიანთ.

კავკასიის ქალაქებს თვითმართველობის უფლება აქვთ მინიჭებული რუსეთის ქალაქებთან თანასწორად. იმედია ახ-ლო მომავალში სოფლებშიც შემოიღებენ თვითმართველობას და ადგილობრივ საჭიროებას თვით ხალხი გაუძღვება.

რუსეთის ხელმწიფენი არასოდეს არ არჩევდნენ კავკასიე-

– 14 –

ლებს რუსებისაგან და თუ რაიმე რეფორმას მოახდენდნენ, ახალი ზომა კავკასიასაც შეეხებოდა ხოლმე.

მაგალითად, 19 თებერვლის 1861 წლ. დიდი რეფორმა, რომლითაც გლეხობა განთავისუფლდა ბატონყმობისაგან, იმ-

პერატორის ბრძანებით კავკასიის გლეხოზაზედაც გავრცელდა.

ალექსანდრე II ვერ მოახერხა დროებით ვალდებულ ზღვებების განთავისუფლება კავკასიაში სხვა და სხვა პირობებისა და გარემოების წყალობით. მაგრამ სანაცვლოთ მისმა შვილის შვილმა, იმპერატორმა ნიკოლოზ II დაამთავრა ეს საქმე. მიმდინარე წლის პირველ იანვრიდან დროებით ვალდებულ გლეხები აღარ არიან კავკასიაში. ამ ჟამად ისინი მესაკუთრე გლეხებთან თანასწორად ჰფლობენ თავის ნადელებს, ამ უკანასკნელის ფასი კი თვით ხაზინამ გადაიხადა, ე. ი. რუსის გლეხმა, კავკასიის გლეხოზამ კი ეს თანხა დიდის ხნის ნმავლობაში უნდა იხადოს ნაწილ ნაწილად.

1867 წ. იმპერატორმა ალექსანდრე II კავკასიაში შემოიღო ახალი სასამართლოები: სასამართლო პალატა, საოლქო სასამართლო და მომრიგებელი მოსამართლენი; სასამართლოს საფუძვლად დაედო სამართალი სწოაფი, და ყველასათვის თანასწორი განურჩევლად წოდებისა, შეძლებისა და ჩამომავლობისა; ამით სასამართლოს მხრივაც კავკასიელნი ერთ და იგივე პირობებში იყვნენ ჩაყენებულნი რუსეთის მკვიდრთ მცხოვრებლებთან.

ამ მოკვლე მიმოხილვიდან ყველა იმისა, რაც გააკეთეს რუსეთმა და მისმა მეფეებმა კავკასიისათვის, ნათლად სჩანს, რომ კავკასია არასოდეს არა ყოფილა რუსეთისათვის გერად. კავკასიელთ თავისუფლად შეუძლიანთ თავი მოჰქონდეთ იმით, რომ რუსეთის მონარხებს ისინიც უყვარდათ მუდამ რუსებთან თანასწორად. კავკასიელთ კარგათ უნდა ახსოვდეს პირადი კეთილი განწყობილება რუსეთის მონარხებისა, როცა დრო გამოშვებით კავკასიას ეწვეოდნენ ხოლმე, განსაკუთრებით უნდა ახსოვდეთ იმპერატორი ალექსანდრე III და მის სახლობის მოწვევა. არ შეუძლიანთ კავკასიელთ დიდის პატივისცემით არ მოიგონონ ის რუსები, რომელნიც ხელმწიფეთა ბრძანებით მოდიოდნენ ხოლმე კავკასიაში, რათა ადგილობრივი მცხოვრებნი დაეცვათ მტრისაგან თუ შინაურ უთანხმოებისაგან, ის რუსები, რომლებიც თავისი სისხლით რწყავდნენ

– 15 –

კავკასიის მიდამოებს, ის რუსები, რომელთაც თან მოჰქონდათ ცოდნა, ხერხი და შრომის უნარი, რომელნიც, თავის საკუთარ სამშობლოს მოწყვეტილნი, ადგილობრივ მცხოვრებლებთან ხელი ხელ ჩაკიდებულნი იღვწოდნენ ადგილობრივ საჭიროებათათვის, ის რუსები, რომელნიც სამუდამოთ სახლდებოდნენ კავკასიაში, ითვისებდნენ მათ ზნე ჩვეულებას და მათივე ცხოვრებით ცხოვრებდნენ და მკვიდრ მცხოვრებლებს გულში უნერგავდნენ რუსი ხალხის პატივისცემას. ყველა ეს მოგონება ძვირფასია კავკასიელისათვის მით უმეტეს უკანასკნელ რევოლიუციონურ ქართველის შემდეგ, რომლის დროსაც კავკასია პატივით გამოვიდა ამ მძიმე მდგომარეობიდან და პატიოსანი და ხელმწიფის ერთგულის სახელი მოიხვეჭა.

მან კარგათ იცის, რომ მისი ხსნა, მისი კეთილ-დღეობა, მისი ბედი მჭიდროთ არის დაკავშირებული რუსეთთან და მის გარედ კავკასიელს ხსნა არა აქვს.

ამ მჭიდრო კავშირით კავკასიელს თავი უნდა მოჰქონდეს და რომანოვთა გვარეულობის მადლობელი უნდა იყოს. როგორ არ უნდა იდღესასწალოს მან ეს დღე რომანოვთა გამეფებისა, როგორ არ უნდა ილოცოს მან ამ დღეს კავკასიის ყველა ენებზედ, საკუთარი ჩვეულებისა და საეკლესიო კანონების მიხედვით, რათა უზენაესმა მრავალჯამიერ ამყოფოს რომანოვთა გვარეულობა და დღეგრძელობა მიანიჭოს აწინდელ იმპერატორს ნიკოლოზ II და მის მემკვიდრეს, დიდს მთავარს, ალექსი ნიკოლოზის ძეს.

კავკასიელი.